

Su Contu de Tziu Santinu

Candu fia piticheddu, fortzis tenia 3 annus, mamma fiat andada a su possessu, no atesu meda de domu, anca tenaius una mata de cerèxia e una de pira pitia, de cussa antiga.

M'iat lassau in domu con ajaja mia. Ma deu bolia a marolla andai anca de mamma, "Bollu andai anca de mamma! Bollu andai anca de mamma! A s'acabbu, ajaja mia si fiat arròsica, iat abertu s'eca e m'iat nau: "Bai anca de mamma tua" sciendi chi su logu de su possessu fiat acanta acanta.

Ma deu, chi fiat pitu diaderus, invècias de andai cara de su possessu de sa famìlia mia, apu sbagliau strada e seu andau faci a Gonnos.

Cammina cammina, fia lòmpiu a su frùmini Terramaistus, ma su ponti non nci fiat ancora in cussu tempus, difatis su terrenu calaiat unu pagheddu. Ddoi aiat una pariga de taulonis, e deu ddoi seu passau asuba e seu arribbau a s'àtera parti de su frùmini.

Ddoi fiat un'òmini arendi sa terra, impari a sa mulleri. Comenti m'at biu, sa fèmina at inghitzau a tzerriai: "ojamomia, unu pipiu a solu! Unu pipiu a solu!"

Intzandus m'ant pigau e portau cun sa carreta a Gonnos, in Caserma. Su primu arrestu miu! Po fortuna, unu carabinieri de sa caserma de Gonnos fiat Arburesu. "Ddu connosciu deu custu pipiu, custumat a benni in pratza nosta". E duncas cust'òmini mi nc'at portau a bidda.

In domu fiat prenu de genti, totus fiant circhendi-mì, ma nemus mi podiat agatai.

Mamma mia fiat disisperada, scedada. Narat: "Lobai, no arropeis su pipiu!"

Mi nci calat una làgrima a nci torrai a pentzai.

Testimòngiu de tziu Santinu, comunidadi Sacerdote Lampis

Arbus, 8 de Austu 2025